

12 апреля 2020 года

Неделя 6-я Великого поста

ВХОД ГОСПОДЕНЬ ВО ИЕРУСАЛИМ

**Последование часов и обедницы
для домашнего (келейного) совершения**

ЧАС ТРЕТИЙ

Молитвами святых отец наших, Господи Иисусе Христе, Боже наш, помилуй нас.

Слава Тебе, Боже наш, слава Тебе.

Царю Небесный, Утешителю, Душе истины, Иже везде сый и вся исполняяй, Сокровище благих и жизни Подателю, прииди и вселися в ны, и очисти ны от всякия скверны, и спаси, Блаже, души наша.

Святый Боже, Святый Крепкий, Святый Безсмертный, помилуй нас.
Трижды, и три поклона.

Слава Отцу, и Сыну, и Святому Духу, и ныне и присно, и во веки веков.
Аминь.

Пресвятая Троице, помилуй нас: Господи, очисти грехи наша; Владыко, прости беззакония наша; Святый, посети и исцели немощи наша, имене Твоего ради.

Господи, помилуй. Трижды.

Слава, и ныне:

Отче наш, Иже еси на Небесех, да святится имя Твое, да придет Царствие Твое, да будет воля Твоя, яко на Небеси, и на земли. Хлеб наш насущный даждь нам днесь; и остави нам долги наша, якоже и мы оставляем должником нашим; и не введи нас во искушение, но избави нас от лукаваго.

[Яко Твое есть Царство и сила и слава во веки. Аминь. (Мф. 6: 9-13)]

Господи, помилуй, 12.

Слава, и ныне:

Приидите, поклонимся Цареве нашему Богу.

Приидите, поклонимся Христу, Цареве нашему, Богу.

Приидите, поклонимся и припадем Самому Христу, Цареве и Богу нашему.

Псалом 16

Услы́ши, Го́споди, пра́вду мою́, вонми́ молéнию моему́, внуши́ моли́тву мою́ не во устна́х льсти́вых. От лица́ Твоего́ судьба́ моя́ изы́дет, о́чи мой да ви́дита правоты́. Искусил еси́ се́рдце моё, посетил еси́ но́щию, искусил мя еси́, и не обрётеся во мне неправда. Яко да не возглабо́лют уста́ моя́ дел челове́ческих, за словеса́ устен Твои́х аз сохрани́х пути́ же́стоки. Соверши́ стопы́ моя́ во стезя́х Твои́х, да не подви́жутся стопы́ моя́. Аз воззва́х, яко услы́шал мя еси́, Бо́же, приклони́ у́хо Твоё мне и услы́ши глаго́лы моя́. Удиви́ мило́сти Твоя́, спаса́яй упова́ющыя на Тя от проти́влящихся десни́це Твое́й. Сохрани́ мя, Го́споди, яко зе́ницу о́ка, в кро́ве крилу́ Твоею́ покры́еши мя. От лица́ нечестивы́х остра́стших мя, врази́ мой ду́шу мою́ одержа́ша. Тук свой затвори́ша, уста́ их глаго́лаша горды́ню. Изгоня́щии мя ны́не обыдо́ша мя, о́чи свой возложи́ша уклони́ти на зе́млю. Объя́ша мя яко лев гото́в на лов и яко ски́мен обита́яй в та́йных. Воскресни́, Го́споди, предвари́ я́ и запни́ им, изба́ви ду́шу мою́ от нечестиваго, ору́жие Твоё от враг руки́ Твоея́. Го́споди, от ма́лых от земли́, раздели́ я́ в животé их, и сокровённы́х Твои́х исполнися чре́во их, насы́тишася сынóв, и оста́виша оста́нки младенце́м своим. Аз же пра́вдою явлю́ся лицу́ Твоему́, насы́щуся, внегда́ явити́ ми ся сла́ве Твое́й.

Псалом 24

К Тебе́, Го́споди, воздвигóх ду́шу мою́, Бо́же мой, на Тя упова́х, да не постыжу́ся во век, ниже́ да посмею́т ми ся врази́ мой, ибо́ вси терпя́щии Тя не посты́дятся. Да посты́дятся беззакóннующии вотще́. Пути́ Твоя́, Го́споди, скажи́ ми, и стезя́м Твои́м научи́ мя. Наста́ви мя на и́стину Твою́, и научи́ мя, яко Ты еси́ Бог Спас мой, и Тебе́ терпéх весь день. Помяни́ щедрóты Твоя́, Го́споди, и мило́сти Твоя́, яко от ве́ка суть. Грех ю́ности моея́, и неведения́ моего́ не помяни́, по мило́сти Твое́й помяни́ мя Ты, ра́ди бла́гости Твоея́, Го́споди. Благ и прав Госпо́дь, сегó ра́ди законоположи́т согреша́ющим на пути́. Наста́вит крóткия на суд, научи́т крóткия путе́м Свои́м. Все пути́е Госпо́дни мило́сть и и́стина, взыска́ющим завета́ Егó, и свидения́ Егó. Ра́ди и́мене Твоего́, Го́споди, и очисти́ грех мой, мног бо́ есть. Кто есть челове́к бо́йся Го́спода? Законоположи́т ему́ на пути́, егóже изво́ли. Душа́ егó во бла́гих водвори́тся, и се́мя егó наслéдит зе́млю. Держа́ва Госпо́дь бо́ящихся Егó, и завет́ Егó яви́т им. О́чи мой вы́ну ко Го́споду, яко Той исто́ргнет от се́ти но́зе мой. При́зри на мя и поми́луй мя, яко единоро́д и нищ есмь аз. Ско́рби се́рдца моего́ умно́жишася, от нужд мои́х изведи́ мя. Виждь смире́ние моё, и труд мой, и оста́ви вся грехи́ моя́. Виждь враги́ моя́, яко умно́жишася, и ненави́дением непра́ведным возненави́деша мя. Сохрани́ ду́шу мою́, и изба́ви мя, да не постыжу́ся, яко упова́х на Тя. Незло́бивии и

пра́вии прилепля́хуся мне, я́ко потерпе́х Тя, Го́споди. Изба́ви, Бо́же, Изра́иля от всех скорбе́й егó.

Псалóм 50

Помíлуй мя, Бо́же, по вели́цей мýлости Твое́й, и по мно́жеству щедро́т Твои́х очисти́ беззакóние моё. Наипáче омýй мя от беззакóния моего́, и от греха́ моего́ очисти́ мя; я́ко беззакóние моё аз зна́ю, и грех мой предо мно́ю есть вýну. Тебе́ еди́ному согреши́х, и лука́вое пред Тобо́ю сотвори́х; я́ко да оправди́шия во словесе́х Твои́х, и победи́ши, внегда́ суди́ти Ти. Се́ бо в беззакóнных зача́т есмь, и во гресе́х роди́ мя ма́ти моя́. Се́ бо и́стину возлюбíл еси́, безвёстная и та́йная премýдрости Твоея́ явил ми еси́. Окропи́ши мя иссо́пом, и очи́шуся; омýеши мя, и па́че сне́га убелю́ся. Слу́ху моему́ да́си ра́дость и весе́лие; возра́дуются ко́сти смире́нныя. Отврати́ лице́ Твое́ от грех мои́х, и вся беззакóния моя́ очисти́. Сёрдце чи́сто сози́жди во мне, Бо́же, и дух прав обнови́ во утробе́ мое́й. Не отвержи́ мене́ от лица́ Твоего́, и Ду́ха Твоего́ Свята́го не отыми́ от мене́. Возда́ждь ми ра́дость спасе́ния Твоего́, и Ду́хом Влады́чним утверди́ мя. Научу́ беззакóнныя путе́м Твои́м, и нечестивии́ к Тебе́ обратя́тся. Изба́ви мя от крове́й, Бо́же, Бо́же спасе́ния моего́; возра́дуется язы́к мой правде́ Твое́й. Го́споди, устне́ мой отве́рзеши, и уста́ моя́ возвестя́т хвалу́ Твою́. Я́ко а́ще бы восхоте́л еси́ жёртвы, да́л бых ўбо: всесо́жжения не благоволи́ши. Жёртва Бо́гу дух сокруше́н; сёрдце сокруше́нно и смире́нно Бог не уничи́жит. Ублажи́, Го́споди, благово́лением Твои́м Сио́на, и да сози́ждутся стéны Иерусали́мския. Тогда́ благоволи́ши жёртву правды́, возноше́ние и всесожега́емая; тогда́ возложáт на олта́рь Твой тельцы́.

Сла́ва, и ны́не:

Аллилу́иа, аллилу́иа, аллилу́иа, сла́ва Тебе́ Бо́же. **Трижды.**

Го́споди, помíлуй. **Трижды.**

Тропарь, глас 1:

Общее воскресение / прэ́жде Твоея́ Стра́сти уверяя, / из ме́ртвых воздвигл еси́ Ла́заря, Христé Бо́же. / Тёмже и мы, я́ко óтроцы победы́ зна́мения нося́ще, / Тебе́ победите́лю сме́рти вопие́м: / осáнна в в́ышних, / благослове́н Гряды́й во и́мя Господне.

Сла́ва:

Тропарь, глас 4:

Спогрѣбшеся Тебѣ крещѣнием, Христѣ Бѣже наш, / безсмѣртныя жѣзни сподѣбихомся Воскресѣнием Твоим, / и воспевающе зовѣм: / осанна в вышних, / благословѣн Грядый во имя Господне.

И ныне, Богородичен:

Богородице, Ты еси лоза истинная, / возрастившая нам Плод животá, / Тебѣ молимся: / молися, Владычице, со святыми апостолами / помилуй души наша.

Таже:

Господь Бог благословен, / благословен Господь день дне, / поспешит нам Бог спасений наших, / Бог наш, Бог спасти.

Святой Бже, Святой Крепкий, Святой Безсмертный, помилуй нас. **Трижды.**

Слава Отцу и Сыну и Святому Духу, и ныне и присно и во веки веков. **Аминь.**

Пресвятая Троице, помилуй нас; Господи, очисти грехи наша; Владыко, прости беззакония наша; Святой, посети и исцели немощи наша, имене Твоего ради.

Господи, помилуй. **Трижды. Слава, и ныне:**

Отче наш, Иже еси на Небесех, да святится имя Твое, да придет Царствие Твое, да будет воля Твоя, яко на Небеси и на земли. Хлеб наш насущный даждь нам днесь; и остави нам долги наша, якоже и мы оставляем должником нашим; и не введи нас во искушение, но избави нас от лукаваго.

[Яко Твое есть Царство и сила и слава во веки. Аминь. (Мф. 6: 9-13)]

Кондак, глас 6:

На престоле на Небеси, / на жребяти на земли носимый, Христѣ Бже, / Ангелов хваление / и детей воспевание приял еси, зовущих Ти: / благословен еси, Грядый Адама воззвати.

Господи, помилуй. 40.

Иже на всякое время и на всякий час, на Небеси и на земли, покланяемый и славимый, Христѣ Бже, Долготерпеливе, Многомилостиве, Многоблагуотробне, Иже праведныя любяй и грешныя милуяй, Иже вся зовый ко спасению обещания ради будущих благ. Сам, Господи, прими и наша в час сей молитвы и исправи живот наш к заповедям Твоим, души наша освяти, телеса очисти, помышления исправи, мысли очисти и избави

нас от всякия скорби, зол и болѣзней, оградѣ нас святыми Твоими Ангелы, да ополченіем их соблюдаѣми и наставляѣми, достигнем в соединѣние вѣры и в разум неприступныя Твоея славы, яко благословѣн еси во вѣки веков, амѣнь.

Честнѣйшую Херувѣм / и славнейшую без сравнѣния Серафѣм, / без истлѣнія Бѣга Слова рѣждшую, / сущую Богородицу, Тя величаѣем.

Молѣтвами святых отѣц наших, Господи Иисусе Христѣ, Бѣже наш, помѣлуй нас.

И молитву сию, святаго Мардарія:

Владыко Бѣже Отче Вседержителю, Господи Сыне Единородный Иисусе Христѣ, и Святыи Душе, Едино Божѣство, Едина Сила, помѣлуй мя, грѣшнаго, и ѣмиже вѣси судьбами, спаси мя, недостѣйнаго раба Твоего, яко благословѣн еси во вѣки веков. Амѣнь.

ЧАС ШЕСТЫЙ

Приидѣте, поклонѣмся Царевѣ нашему Богу.

Приидите, поклонимся Христу, Царевѣ нашему, Богу.

Приидите, поклонимся и припадем Самому Христу, Царевѣ и Богу нашему.

Псалом 53

Бѣже, во ѣмя Твое спаси мя, и в силѣ Твоей суди ми. Бѣже, услыши молѣтву мою, внуши глаголы уст моих. Яко чуждии восташа на мя и крѣпцыи взыскаша душу мою, и не предложѣша Бѣга пред собою. Се бо Бог помогает ми, и Господь Заступник души моеи. Отвратит злая врагом моим, ѣстиною Твоею потребѣ их. Волею пожру Тебѣ, исповѣмся ѣмени Твоему, Господи, яко благо, яко от всякия печали избавил мя еси, и на враги моя воззрѣ око мое.

Псалом 54

Внуши, Бѣже, молѣтву мою и не презри молѣния моего. Вонми ми и услыши мя: возскорбѣх печалию моею и смятохся. От гласа вражѣя и от стужѣния грѣшничя, яко уклонѣша на мя беззакѣние и во гнѣве враждоваху ми. Сердце мое смятѣся во мне и боязнь смѣрти нападѣ на мя. Страх и трѣпет приидѣ на мя и покрѣи мя тьма. И рех: кто даст ми крилѣ, яко голубинѣ, и полещу, и почию? Се удалѣхся бѣгая и водворѣхся в пустыни. Чаях Бѣга, спасающаго мя от малодушѣя и от бѣри. Потопи, Господи, и разделѣи ѣзыки их: яко видѣх беззакѣние и пререканѣе во граде. Днем и нощию обыдет ѣ по

стенám егó. Беззакóние и труд посреде егó и неправда. И не оскуде от стогн егó лихва и леть. Яко áще бы враг поносíл ми, претерпéл бых úбо, и áще бы ненавídяй мя на мя велерéчевал, укрьíл бых ся от негó. Ты же, челове́че равноду́шне, влады́ко мой и знае́мый мой, и́же кúпно наслажда́лся еси́ со мно́ю бра́шен, в дому́ Бóжии ходíхом единомышлэ́нием. Да при́дет же смерть на ня, и да снédут во ад жи́ви, я́ко лука́вство в жили́щах их, посреде́ их. Аз к Бóгу воззва́х, и Госпо́дь услы́ша мя. Вéчер и за́utra, и полúдне повéм, и возвещу́, и услы́шит глас мой. Изба́вит мíром ду́шу мою́ от приближа́ющихся мне, я́ко во мно́зе бяху со мно́ю. Услы́шит Бог и смири́т я́, Сый прэ́жде век. Неть бо им изменéния, я́ко не убо́яшася Бóга. Простре́ ру́ку свою́ на воздая́ние, оскверни́ша завет Егó. Раздели́шася от гнэ́ва лица́ Егó, и прибли́жишася сердца́ их, умя́кнуша словеса́ их па́че елéа, и та суть стрéлы. Возвэ́рзи на Гóспода печáль твою́, и Той тя препита́ет, не даст в век молвы́ пра́веднику. Ты же, Бóже, низведéши их во студенéц истлэ́ния, му́жие кровéй и льсти не преполов́ят дней сво́их. Аз же, Гóсподи, упова́ю на Тя.

Псалом 90

Живы́й в по́мощи Вы́шняго, в крóве Бóга Небéснаго водворíтся. Речéт Гóсподеви: Засту́пник мой еси́ и Прибе́жище моé, Бог мой, и упова́ю на Негó. Я́ко Той изба́вит тя от сéти лóвчи и от словесé мятéжна, плещма́ Сво́йма осенít тя, и под криле́ Егó наде́ешися: ору́жием обы́дет тя и́стина Егó. Не убойши́ся от стра́ха но́щнаго, от стрелы́ летя́щия во дни, от вéщи во тме преходя́щия, от сря́ща и бéса полúденнаго. Падéт от страны́ твоея́ ты́сяща, и тма одесну́ю тебе́, к тебе́ же не прибли́жится, обáче очы́ма тво́йма смóтриши, и воздая́ние грéшников у́зриши. Я́ко Ты, Гóсподи, упова́ние моé, Вы́шняго положи́л еси́ прибе́жище твоé. Не при́дет к тебе́ зло и рана́ не прибли́жится телесí твоему́, я́ко А́нгелом Сво́им заповéсть о тебе́, сохранíти тя во всех путéх тво́их. На руках вóзмут тя, да не когда́ преткне́ши о ка́мень но́гу твою́, на а́спида и васи́лска настúпиши, и попере́ши льва и змíя. Я́ко на Мя упова́ и изба́влю и́, покры́ю и́, я́ко позна́ и́мя Моé. Воззовет ко Мне и услы́шу егó, с ним есмь в скóрби, изму́ егó и просла́влю егó, долготóю дней испóлню егó и явлю́ ему́ спасéние Моé.

Сла́ва, и ны́не:

Аллилу́иа, аллилу́иа, аллилу́иа, сла́ва Тебе́ Бóже. **Трижды.**

Гóсподи, помíлуй. **Трижды.**

Тропарь, глас 1:

Общее воскресéние / прэ́жде Твоея́ Стра́сти уверя́я, / из мэ́ртвых воздв́игл еси́ Лázаря, Христé Бóже. / Тэмже и мы, я́ко óтроцы побéды

**зна́мения нося́ще, / Тебе́ победíteлю смёрти вопиём: / осáнна в
вѣшних, / благословѣн Грядѣ́й во и́мя Господне.**

Сла́ва:

Тропарь, глас 4:

**Спогрѣбшеся Тебе́ крещѣнием, Христѣ́ Бóже наш, / безсмёртныя
жизни сподóбихомся Воскресѣнием Твоѣ́м, / и воспева́юще зовём: /
осáнна в вѣшних, / благословѣн Грядѣ́й во и́мя Господне.**

И ны́не, Богородичен:

**Я́ко не и́мамы дерзновѣния за премно́гия грехи́ на́ша, / Ты и́же от Тебе́
Рóждшагося моли́, Богорóдице Дѣво, / мно́го бо мо́жет молѣние Ма́тернее ко
благосѣрдию Влады́ки. / Не прѣзри грѣшных мольбы́, Всечы́стая, / я́ко
милостив есть и спасти́ могый, / И́же и страда́ти о нас изво́ливый.**

Та́же:

**Скóро да предваря́т ны щедрóты Тво́я, Гóсподи, / я́ко обнища́хом зело́; /
помози́ нам, Бóже, Спа́се наш, / сла́вы ра́ди И́мене Твоегó, Гóсподи, избáви
нас / и очисти́ грехи́ на́ша, И́мене ра́ди Твоегó.**

**Святѣ́й Бóже, Святѣ́й Кре́пкий, Святѣ́й Безсмёртный, помилуй нас.
Трижды.**

**Сла́ва Отцу́ и Сы́ну и Святóму Духу, и ны́не и прѣсно и во вѣки веко́в.
Ами́нь.**

**Пресвятáя Трóице, помилуй нас; Гóсподи, очисти́ грехи́ на́ша; Влады́ко,
прости́ беззакóнныя на́ша; Святѣ́й, посети́ и исцели́ нѣмощи на́ша, и́мене
Твоегó ра́ди.**

Гóсподи, помилуй. Трижды. Сла́ва, и ны́не:

**Отче наш, И́же еси́ на Небесѣх, да святѣ́тся и́мя Твоѣ́, да приидет Цáрствие
Твоѣ́, да бóдет во́ля Тво́я, я́ко на Небесѣ́х и на землѣ́х. Хлеб наш насущный
да́ждь нам днесь; и оста́ви нам дóлги на́ша, я́коже и мы оставля́ем
должникóм на́шим; и не введи́ нас во искушѣ́ние, но избáви нас от лука́ваго.**

[Я́ко Твоѣ́ есть Цáрство и сѣ́ла и сла́ва во вѣки. Ами́нь. (Мф. 6: 9-13)]

Конда́к, глас 6:

**На престóле на Небесѣ́х, / на жребя́ти на землѣ́х носѣ́мый, Христѣ́
Бóже, / А́нгелов хвалѣ́ние / и дете́й воспева́ние прия́л еси́, зову́щих
Ти: / благословѣ́н еси́, Грядѣ́й Ада́ма воззва́ти.**

Гóсподи, помилуй. 40.

Иже на всякое время и на всякий час, на Небеси и на земли, покланяемый и славимый, Христэ Бóже, Долготерпеливе, Многомилостиве, Многоблагодарне, Иже праведныя любяй и грешныя милуяй, Иже вся зовый ко спасению обещания ради будущих благ. Сам, Гóсподи, прими и наша в час сей молитвы и исправи живót наш к заповедем Твоим, дýши наша освяти, телеса очисти, помышления исправи, мысли очисти и избави нас от всякия скорби, зол и болезней, оградí нас святыми Твоими Ангелы, да ополчением их соблюдаеми и наставляеми, достигнем в соединение веры и в разум неприступныя Твоея славы, яко благословен еси во веки веков, амíнь.

Честнейшую Херувим / и славнейшую без сравнения Серафим, / без исления Бóга Слова рóждшую, / сущую Богородицу, Тя величаем.

Молитвами святых отец наших, Гóсподи Иисусе Христэ, Бóже наш, помилуй нас.

И молитву сию святого Великого Василия:

Бóже и Гóсподи сил и всея твари Содетелю, Иже за милосердие безприкладныя милости Твоея Единороднаго Сына Твоего, Гóспода нашего Иисуса Христа, низпославый на спасение рода нашего, и честным Егó Крестом рукописание грех наших растерзавый, и победивый тем начала и власти тьмы. Сам, Владыко Человеколюбче, прими и нас, грешных, благодарственныя сия и молебныя молитвы и избави нас от всякаго всегубительнаго и мрачнаго прегрешения и всех озлобити нас ищущих видимых и невидимых враг. Пригвозди страху Твоему плóти наша и не уклони сердец наших в словеса или помышления лукавствия, но любовь Твоею уязви дýши наша, да, к Тебе всегда взирающе и еже от Тебе светом наставляеми, Тебе, неприступнаго и присносущнаго зряще Свёта, непрестанное Тебе исповедание и благодарение возсылаем, Безначальному Отцú со Единородным Твоим Сыном и Всесвятым, и Благим, и Животворящим Твоим Духом ныне, и присно, и во веки веков. **А**мíнь.

ЧИН ОБЕДНИЦЫ

Антифон 1, глас 2, псалом 114:

Возлюбих, яко услышит Господь / глас моления моего.

Молитвами Богородицы, Спасе, спаси нас.

Стих: 2: Яко приклони ухо Своё мне, / и во дни моя призову.

Молитвами Богородицы, Спасе, спаси нас.

Стих 3: Объяша мя болѣзни смѣртныя, / беды адовы обретѡша мя.

Молѣтвами Богородицы, Спасе, спаси нас.

Стих 4: Скорбь и болѣзнь обретѡх, / и имя Господне призвах.

Молѣтвами Богородицы, Спасе, спаси нас.

Слава, и ныне: Молѣтвами Богородицы, Спасе, спаси нас.

Антифон 2, псалом 115:

Вѣровах, тѣмже возглаголах, / аз же смирихся зело.

Спаси ны, Сыне Божий, / восседый на жребя, поющия Ти: / аллилуиа.

Стих 2: Что воздам Господеву о всех, / яже воздаде ми?

Спаси ны, Сыне Божий, / восседый на жребя, поющия Ти: / аллилуиа.

Стих 3: Чашу спасения прииму, / и имя Господне призову.

Спаси ны, Сыне Божий, / восседый на жребя, поющия Ти: / аллилуиа.

Стих 4: Молитвы моя Господеву воздам, / пред всеми людьми Его.

Спаси ны, Сыне Божий, / восседый на жребя, поющия Ти: / аллилуиа.

Слава Отцу, и Сыну, и Святому Духу, и ныне и присно, и во веки веков.
Аминь.

Единородный Сыне, и Слове Божий, Безсмертен Сый, и изволивый спасения нашего ради воплотитися от Святыя Богородицы и Приснодевы Марии, непреложно вочеловечивыйся, распныйся же, Христе Боже, смертию смерть поправый, един Сый Святыя Троицы, прославляемый Отцу и Святому Духу, спаси нас.

Антифон 3, глас 1, псалом 117:

Исповедайтесь Господеву яко благ, яко в век милость Его.

Тропарь, глас 1:

Общее воскресение / прежде Твоея Страсти уверяя, / из мертвых воздвигл еси Лазаря, Христе Боже. / Темже и мы, яко отроцы победы знамения носяще, / Тебе победителю смерти вопиём: / осанна в вышних, / благословен Грядый во имя Господне.

Стих 2: Да речет убо дом Израилев: яко благ, яко в век милость Его.

Тропарь: Общее воскресение / прежде Твоея Страсти уверяя, / из мертвых воздвигл еси Лазаря, Христе Боже. / Темже и мы, яко отроцы победы знамения носяще, / Тебе победителю смерти вопиём: / осанна в вышних, / благословен Грядый во имя Господне.

Стих 3: Да речёт úбо дом Аарóнь: я́ко благ, я́ко в век мѝлость Егó.

Тропа́рь: **Общее воскресение / прежде Твоея Страсти уверяя, / из мёртвых воздвѝгл еси́ Лазаря, Христé Бóже. / Тёмже и мы, я́ко óтроцы побéды зна́мения нося́ще, / Тебé победѝтелю смёрти вопи́ем: / осáнна в вѝшних, / благословѝн Грядѝй во íмя Госпóдне.**

Стих 4: Да реку́т úбо вси боя́щиися Гóспода: я́ко благ, я́ко в век мѝлость Егó.

Тропа́рь: **Общее воскресение / прежде Твоея Страсти уверяя, / из мёртвых воздвѝгл еси́ Лазаря, Христé Бóже. / Тёмже и мы, я́ко óтроцы побéды зна́мения нося́ще, / Тебé победѝтелю смёрти вопи́ем: / осáнна в вѝшних, / благословѝн Грядѝй во íмя Госпóдне.**

ПРОКИМЕН, АПОСТОЛ И ЕВАНГЕЛИЕ

Прокѝмен, глас 4: **Благословѝн Грядѝй во Íмя Госпóдне, / Бог Госпóдь, и явѝся нам.**

Стих: **Исповѝдайтеся Гóсподеви я́ко благ, я́ко в век мѝлость Егó.**

Благословѝн Грядѝй во Íмя Госпóдне, / Бог Госпóдь, и явѝся нам.

Апостол к Филипписѝем, зачало 247:

Бра́тие, ра́дуйтеся всегдá о Гóсподе: и па́ки реку́, ра́дуйтеся. Крóтость ва́ша разу́мна да б́дет всем челове́ком. Госпóдь близ. Ни о чёмже пе́чьтеся, но во всем моли́твою и моле́нием со благодарѝнием проше́ния ва́ша да сказа́ются к Бóгу. И мир Бóжий, превосходя́й всяк ум, да соблюде́т сердца́ ва́ша и разу́мения ва́ша о Христé Иисýсе. Прóчее же, бра́тие мо́я, ели́ка суть íстинна, ели́ка че́стна, ели́ка пра́ведна, ели́ка пречи́ста, ели́ка прелюбе́зна, ели́ка доброхва́льна, а́ще ка́я добродете́ль, и а́ще ка́я похвала́, сиа́ помышля́йте. Íмже и научѝтеся, и при́йте, и слы́шасте, и ви́десте во мне, сиа́ творѝте, и Бог ми́ра б́дет с ва́ми.

Русский перевод: **Братия, радуйтесь всегда в Господе; и еще говорю: радуйтесь. Кротость ваша да будет известна всем человекам. Господь близко. Не заботьтесь ни о чем, но всегда в молитве и прощении с благодарением открывайте свои желания пред Богом, и мир Божий, который превыше всякого ума, соблюдет сердца ваши и помышления ваши во Христе Иисусе. Наконец, братия мои, что только истинно, что честно, что справедливо, что чисто, что любезно, что достославно, что только добродетель и похвала, о том помышляйте. Чему вы научились, что приняли и слышали и видели во мне, то исполняйте, – и Бог мира будет с вами.**

Аллилу́ия, аллилу́ия, аллилу́ия.

Стих: **Воспо́йте Гóсподеви песнь но́ву, я́ко дѝвна сотвори́ Госпóдь.**

Аллилу́ия, аллилу́ия, аллилу́ия.

Стих: Вѣдеша вси концы земли спасѣние Бѣга нашего.

Аллилу́ия, аллилу́ия, аллилу́ия.

Гѣсподи, помѣлуй. **Трижды.**

От Иоанна святѣго Евѣнгелия чтѣние.

Слѣва Тебѣ, Гѣсподи, слѣва Тебѣ.

Евѣнгелие от Иоанна, зачало 41:

Прѣжде шестѣ дний Пѣсхи, приѣде Иисус в Вифѣнию, идѣже бе Лѣзарь умѣрый, егѣже воскресѣ от мѣртвых. Сотворѣша же Емѣ вечерю ту, и Марфа служѣше: Лѣзарь же едѣн бе от возлежѣщих с Ним. Марѣя же приѣмши лѣтру мѣра нѣрда пистѣика многоцѣнна, помаза нѣзе Иисусове, и отрѣ власѣ свои ми нѣзе Егѣ. Храмина же испѣлнися от вонѣ масти благовѣнныя. Глагола же едѣн от ученик Егѣ, Иуда Сѣмонов Искарѣѣтский, ѣже хотѣше Егѣ предѣти: Чесѣ рѣди мѣро сѣе не прѣдано бысть на трех стех пѣнѣзь, и данѣ нѣщим? Сѣе же речѣ, не ѣко о нѣщих печѣшесѣ, но ѣко тѣть бе, и ковчѣжец имѣѣше, и вметѣѣмая ношѣше. Речѣ же Иисус: не дѣйте еѣ, да в день погребѣния Моегѣ соблюдет ѣ. Нѣщѣя бо всегдѣ ѣмѣте с собѣю, Менѣ же не всегдѣ ѣмѣте. Разумѣ же нарѣд мног от Иудѣй, ѣко ту есть: и приѣдѣша не Иисуса рѣди тѣкмо, но да и Лѣзарѣ вѣдят, егѣже воскресѣ от мѣртвых. Совещѣша же архиерѣе, да и Лѣзарѣ убѣют, ѣко мнѣзи егѣ рѣди идѣху от Иудѣй и вѣроваху во Иисуса. Во ѣтрий же день нарѣд мног пришедѣый в прѣздник, слѣшавше, ѣко Иисус грядѣт во Иерусалим, приѣша вѣѣна от фѣник, и изыдѣша в срѣтѣние Емѣ, и звѣху глаголюще: осѣнна, благословѣн Грядѣый во ѣмя Госпѣдне, Цѣрь Израѣлев. Обрѣт же Иисус ослѣ, вседе на не, ѣкоже есть пѣсано: Не бѣйся, дщи Сиѣнѣ, се Цѣрь твѣй грядѣт, седѣя на жребѣти ѣсли. Сѣх же не разумѣша ученицѣ Егѣ прѣжде, но егдѣ прослѣвисѣ Иисус, тогдѣ помянѣша, ѣко сѣѣ бѣша о Нем пѣсана, и сѣѣ сотворѣша Емѣ. Свидѣтельствоваше же нарѣд, ѣже бе прѣжде с Ним, егдѣ Лѣзарѣ возгласѣ от грѣба, и воскресѣ егѣ от мѣртвых. Сегѣ рѣди и срѣте Егѣ нарѣд, ѣко слѣшаша Егѣ сѣе сотвѣрша знѣмение.

Русский перевод: За шесть дней до Пасхи пришел Иисус в Вифанию, где был Лазарь умерший, которого Он воскресил из мертвых. Там приготовили Ему вечерю, и Марфа служила, и Лазарь был одним из возлежавших с Ним. Мария же, взяв фунт народного чистого драгоценного мира, помазала ноги Иисуса и отерла волосами своими ноги Его; и дом наполнился благоуханием от мира. Тогда один из учеников Его, Иуда Симонов Искарот, который хотел предать Его, сказал: Для чего бы не продать это миро за триста динариев и не раздать нищим? Сказал же он это не потому, чтобы заботился о нищих,

но потому что был вор. Он имел при себе денежный ящик и носил, что туда опускали. Иисус же сказал: оставьте ее; она сберегла это на день погребения Моего. Ибо нищих всегда имеете с собою, а Меня не всегда. Многие из Иудеев узнали, что Он там, и пришли не только для Иисуса, но чтобы видеть и Лазаря, которого Он воскресил из мертвых. Первосвященники же положили убить и Лазаря, потому что ради него многие из Иудеев приходили и веровали в Иисуса. На другой день множество народа, пришедшего на праздник, услышав, что Иисус идет в Иерусалим, взяли пальмовые ветви, вышли навстречу Ему и восклицали: осанна! благословен грядущий во имя Господне, Царь Израилев! Иисус же, найдя молодого осла, сел на него, как написано: Не бойся, дочь Сионова! Вот, Царь твой грядет, сидя на молодом осле. Ученики Его сперва не поняли этого; но когда прославился Иисус, тогда вспомнили, что так было о Нем написано, и это сделали Ему. Народ, бывший с Ним прежде, свидетельствовал, что Он вызвал из гроба Лазаря и воскресил его из мертвых. Потому и встретил Его народ, ибо слышал, что Он сотворил это чудо.

Сла́ва Тебе́, Го́споди, сла́ва Тебе́.

Лик Небе́сный поет Тя и глаго́лет: Свят, Свят, Свят Го́сподь Савао́ф, испо́лнь Не́бо и земля́ сла́вы Твоея́.

Стих: Приступите́ к Немú и просвети́тесь, и лица́ ва́ша не посты́дятся.

Лик Небе́сный поет Тя и глаго́лет: Свят, Свят, Свят Го́сподь Савао́ф, испо́лнь Не́бо и земля́ сла́вы Твоея́.

Слава: Лик святы́х Ангел и Арха́нгел со все́ми Небе́сными Си́лами поёт Тя и глаго́лет: Свят, Свят, Свят Го́сподь Савао́ф, испо́лнь Не́бо и земля́ сла́вы Твоея́.

И ныне: **В**ерую во еди́наго Бо́га Отца́, Вседержи́теля, Творца́ Не́бу и землі́, ви́димым же всем и неви́димым. И во еди́наго Го́спода Иису́са Христа́, Сы́на Бо́жия, Единоро́днаго, Ёже от Отца́ рождённаго пре́жде всех век; Све́та от Све́та, Бо́га и́стинна от Бо́га и́стинна, рождённа, несотворённа, единосúщна Отцу́, Ёмже вся бы́ша. Нас ра́ди челове́к и на́шего ра́ди спасёния сше́дшаго с Небе́с, и воплоти́вшагося от Ду́ха Свя́та и Мари́и Де́вы, и вочелове́чшася. Распя́таго же за ны́ при Понтійстем Пила́те, и страда́вша, и погребённа. И воскресе́шаго в тре́тий день, по Писа́нием. И возше́дшаго на Небеса́, и седя́ща одесну́ю Отца́. И па́ки грядúщаго со сла́вою суди́ти живы́м и ме́ртвым, Егóже Ца́рствию не бу́дет конца́. И в Ду́ха Свята́го, Го́спода, Животворя́щаго, Ёже от Отца́ исходя́щаго, Ёже со Отце́м и Сы́ном спокланя́ема и ссла́вима, глаго́лавшаго проро́ки. Во еди́ну Святу́ю, Соборну́ю и Апóстольскую Це́рковь. Испове́дую еди́но Крещёние во оставле́ние грехо́в. Чаю́ воскресе́ния ме́ртвых, и жи́зни бу́дущаго ве́ка. Ами́нь.

Осла́би, оста́ви, прости́, Бо́же, прегреше́ния на́ша, во́льная и нево́льная, я́же в сло́ве и в де́ле, я́же в ве́дении и не в ве́дении, я́же во дни́ и в но́щи, я́же во уме́ и в помышле́нии: вся нам прости́, я́ко Благ и Человеколю́бец.

Отче наш, Иже еси на Небесех, да святится имя Твое, да придет Царствие Твое, да будет воля Твоя, яко на Небеси, и на земли. Хлеб наш насущный даждь нам днесь; и остави нам долги наша, якоже и мы оставляем должником нашим; и не введи нас во искушение, но избави нас от лукаваго.

[Яко Твое есть Царство и сила и слава во веки. Аминь. (Мф. 6: 9-13)]

Кондак, глас 6:

На престоле на Небеси, / на жребяти на земли носимый, Христе Боже, / Ангелов хваление / и детей воспевание приыл еси, зовущих Ти: / благословен еси, Грядый Адама воззвати.

Господи, помилуй. 12.

И молитву:

Всесвятая Троице, Единосущная Державо, Нераздельное Царство, всех благих Виня, благоволи же и о мне грешнем, утверди, вразуми сердце мое, и всю мою отыми скверну, просвети мою мысль, да вину славлю, пою, поклоняюся и глаголю: Един Свят, Един Господь, Иисус Христос, во славу Бога Отца. Аминь.

Буди Имя Господне благословено отныне и до века. Трижды.

Слава, и ныне:

Псалом 33:

Благословлю Господа на всякое время, вину хвала Его во устех моих. О Господе похвалится душа моя, да услышат кротцыи и возвеселятся. Возвеличите Господа со мною, и вознесем имя Его вкупе. Взысках Господа, и услыша мя, и от всех скорбей моих избави мя. Приступите к Немю и просветитесь, и лица ваша не постыдятся. Сей нищий воззва, и Господь услыша ъ, и от всех скорбей его спасе ъ. Ополчится Ангел Господень окрест боящихся Его, и избавит их. Вкусите и видите, яко благ Господь; блажен муж, иже уповает на Нь. Бойтесь Господа, вси святии Его, яко несть лишения боящимся Его. Богатии обнищаша и взалкаша, взыскающие же Господа не лишатся всякаго блага. Приидите, чада, послушайте мене, страху Господню научу вас. Кто есть человек хотяй живот, любяй дни видети блага? Удержи язык твой от зла, и устне твой, еже не глаголати лести. Уклонися от зла и сотвори благо, взыщи мира и пожені ъ. Очи Господни на праведныя, и уши Его в молитву их. Лице же Господне на творящия злая, еже потребити от земли память их. Возваша праведнии, и Господь услыша их, и от всех скорбей их избави их. Близ Господь сокрушенных сердцем, и смиренных духом спасет. Многи скорби праведным, и от всех их избавит я Господь.

Хранит Господь вся кости их, ни единая от них сокрушится. Смерть грешников люта, и ненавидящие праведного прегрешат. Избавит Господь души раб Своих, и не прегрешат вси уповающие на Него.

Бог Господь и явися нам. / Составите праздник, / и веселящися приидите, возвеличим Христа, / с ваиями и ветвми, песньми зовуще: / благословен Грядый во имя Господа, Спаса нашего.

Слава, и ныне:

Господи, помилуй. **Трижды. Благослови.**

Отпуст

Иже на жребяти осли сести изволивый, нашего ради спасения, Христэ, истинный Бже наш, молитвами Пречистыя Своея Матере, святых славных и всехвальных Апостол, и всех святых, помилуй и спаси нас, яко Благ и Человеколюбец. Аминь.

Великаго господина и отца нашего Кирилла, / Святэйшаго Патриарха Московскаго и всея Русы, / и господина нашего высокопреосвященнейшаго **имярек**, / митрополита [**или:** архиепископа; **или:** преосвященнейшаго **имярек**, епископа] [**егоже есть область**], / настоятеля, братию и прихожан святяго храма нашего, / домочадцы наша и вся православныя христианы, / Господи, сохрани их на многая лета.